



Ned ning sēn loe raar fāa, a ka loe ye, rasem a tāab no-loeerā, yaa zāmaanā fāa no-loeere

Yii aʿAbdullaah [bnʿAmbr [bn Alʿaaṣ nengē (Wēnd yard be b yiibā yīnga) a yeelame: Nabiyaamā yeelame (Wēnd puusg la A tūlgr be a yīnga): «Ad fo loeta noor raar fāa la f yas yungā gilli?» tī mam yet tī n-yeē, t'a yeēle: «Ad fo sā n maan woto, f valem da f nifrā la f yaamse f yōorē ne yel-kāngā Ned ning sēn loe raar fāa, a ka loe ye, rasem a tāab no-loeerā, yaa zāmaanā fāa no-loeere». Tī mam yeel tī m tōeeme sēn yūd rasem a tāabā, t'a yeēle: «bī f loe a Daawūd (tūlgr be a yīnga) no-loeerā, a ra loeta raare la a kaood raare, la a ka zoete t'a sā n yek bεεb ye».

[Naṣun Ṣahuḥun (Gom-sikdem sēn manege)] [B zemsa taab a zugu (A Al-Buḥariy la a Muslim n reeg-a)]

Taa Nabiyaamā (Wēnd puusg la A tūlgr be a yīnga) t'a Abdullaah [bnʿAmbre (Wēnd yard be b yiibā yīnga) a ra loeta noorā wakat fāa yuumdā gilli, n ka kaoodē ye, n puusd yungā gilli n ka gōe ye, tī Nabiyaamā gūdg-a yel-kāngā n yeel-a: loe la f kao, la f yals n puus yungā la f gāande, La a gūdg-a lame t'a ra loet noorā raar fāa, la a ra yals yungā gill ye, n yeel-a: fo sā n maan woto, fo ninā na n walemsame n lebg kondo, tī fo yōorā ye, t'a yamā yi, rēnd ned ning sēn loe yuumdā gilli a ka loe noore, bala yē ka na n paam Nabiyaamā sagell yel-sōmd ye; a leb n ka kao me ye, bala a yōka a meng n bas yel-kaoodse. Rē poorē t'a kāndg n tug rasem a tāab no-loeer kiuug fāa, tī yēnda la yuumdā no-loeere; bala raar fāa yaa rasem piig yel-sōmd la a rīkda, yē me la tuum sōmsā fāoobā sēn tug n paood n yūda. T'a Abdullaah yeēle: ad mam tōee sēn yūd rēnda. Tī Nabiyaamā (Wēnd puusg la A tūlgr be a yīnga) yeēle: bī f loe Nabiyaamā a Daawūd no-loeere (Puusg be a yīnga) tī yēnda n yūd sōmlem, a ra yūme n loet raare, la a kaood raare, la a rag n ka zoete t'a sā n yek bεεb ye, bala a no-loeerā buudā ka valem s a yīngā ye.

<https://www.sunnah.global/hadeeth/mos/show/6017>

